

# AUCTORIS VINDICIARUM

PRO V. CL. JACOBO MARTORELLIO

## PALINODIA

Διύτιστα φροντίδς σοφώτεραι.

Vix ego vulgaveram vindicias, quibus clarissimum virum Martorellium a personati, ut conjeceram, Martorellii calumniis purgare fueram conatus; quum renunciatum mihi est, Apologumenon Priorum Auctorem, in quem saepius excaudui, revera fuisse Jacob. Martorellium, tametsi informando illi partui plures obsteritiae manus allaboraverint. Quamvis autem adduci non potuerim, ut rem plane mihi persuaderem; tamen incredibile est, quanto luctu repente conciderim, vicem squaloremque cl. Viri, quem puer colui, adolescens observare nunquam destiti, miseratus. Itaque facti illius mei poenitens, tantum non palinodiam cecini. Quum autem nuper Apologumena altera, ab Jacobo Martorellio exarata, ad me pervenerint; de priorum Apologumenon Auctore certior factus, in longe maximam aegritudinem incidi: & ex eo praefertim, quod ornatissimum Virum in capitis discrimine versari acceperim; nam extrema Apologumenon alterorum paginā, *cingulo jam munivisse* innotuit sua, infirma opinor, *laura*: risu ne fatigata, an bile turgentia, ipse viderit. Verendum itaque mihi est, ne is mecum, qui integra, Deo bene juvante, utor juventute, ulterius digladiando, affectam jam praecordiorum valetudinem omnino eat perditum. Quamobrem, tum ut meae in ipsum observantiae faciam satis, tum ut ejus incolamitati prospiciam, libens meritoque in subiectam Palinodiam descendam.

Atque utinam, ut res olim erat gesta, opportune renunciatum mihi fuisset; ego enim illo qualicumque *Vindiciarum* labore superfedissem, tu vero, doctissime Martorelli, in tanta rusticitatis, quae in secundis Apologumenis maxime exuberat, latifundia non excurissem. Sed, o bone, quid ego tandem commoveri, ut in tuis secundis Apologumenis tam incivilter acciperem? an non, te gratulari mihi, quam conviciari, praefatbat? quis unquam sando audivit, victum qui pacis leges aequo animo accipere debet, in victorem contumeliosus insurrexisse? Hic obortae inter nos controversiae status erat: utrum in vulgatissimo Graeco Epigrammate *Αὐκίσιος, Ἡρακλὸς Πάσης, Πάντ' ἀγρήναι* (quae tu unice deperibas) an *Αὐκίσιος, Ἡρακλὸς ἀπ' αὐγῆς, Πάντα βρότῳ* (pro qua lectione ego stabam) lectum oportuisset. Nam de *τῷ Ἀριστῶν*, deque *αἰσῶν*, & *γενῶν*, quod ad interpretationem spectabat, nobiscum erat dissidium; de lectione vero amice conjurabamus. Quum igitur tu ultro dederis manus, & obtorto licet collo in meam sententiam discesseris; nonne abs te mihi, qui crassae tuae lippitudini collyrium adhibueram, camulatae & prope dixerim, ingentes gratiae agendae fuerant? Atqui ob isthac mea in

te



te merita perinde *quereris*, ac si tuae extimationi *valens* immedicabile imposuerim: & usque adeo *quereris* in triviis, tabernis, comitiisque tuis, ut prope obsunderit Neapolis, & omne vicinam Oppiduon. Quoscumque colloquentes videas, de te fabulam narrari putas. Observas omnes, exploras omnia: quiescere non potes. Vide, quaeſo, ne tandem aliquando Anticyram sis navigaturus.

Sed Apologumenon alterorum partes praecipuas paucis attingamus. Tria in his insunt *Σχίσματῶν*, non modo cedere digna, sed quae prorsus aeternitati mandentur, dignissima. In horum primo *Messi* nomen repetitis curis vindicas, idque non sine tua tristi asperaque in Neapolitanos censura, quibus, quod pro *Aristone* steterint, & Poetae celeberrimi Italiam versionem elegantissimam probaverint, *PALATUM OBSTUPUISSE* affirmas pag. 3. lin. 21. Eane tua est in Cives benevolentia, ut tam levi de causa conviciis eosdem plectas? At ceteri mortaliū, cum de patria, suisque civibus sermo est, eos a studiis, ab acri ingenio, a bonis artibus commendandi finem nullum faciunt. Nimirum Neapolitanū *Palatum* hebetatum habent; eo sensu tu solus uteris exquisitissimo: illi in meridiana luce caecutiunt; tu vel in mediis Cimmeriis tenebris acutissimum vides: tu solus scilicet in urbe nostra tibi sapere videris. Maecte.

Hic insuper tu ob inventam tandem veram tui *Messi* matrem, nempe *Augen* tam tibi places, quam qui maxime; & ego quidem prolixas utriusque Orbis grati animi erga te significationes tibi panderem, nisi advertissem, te eas in antecessum praesumpsisse, & tanto te dignum triumphī apparatu praedicasse, quanto unquam fuerit ille *PAULLUS AEMILIUS CAPTO PERSEO*, ut inquis, hac pag. 3. lin. 38. O Thraſoniarum hominis ingenium! Jam te videre video, gurgulio tuo egressum, per frequentissima urbis compita totum vestigia promovemtem, nunc dextrorsum amicis oscula dividere manibus, nunc sinistrorsum civibus, macie ob annonae caritatem confectis, hilari vultu fausta omnia portendere; tanta enim laetitia gestiens anguraris fore, ut, enucleato abs te auspiciatissimo *Auges* nomine, frumenta posthac comprehendant, & inde annonae vilitas in Italiam universam stato tempore sit derivatura.

At cur non aptius & verius dicatur Parca rapuisse septennem puerum *αἰὲν αὖγῆς*, hoc est, a luce vitali, quam ab Auge Matre? ut autem Matrem *Augen* hic non designatam credam, facit Poetae de Parris nomine silentium; quis enim non *πατέρα* (sine patre certo) argueret puerum, qui quamvis in medio Parentum scalptus, Matrem tamen dumtaxat ciere posse videatur? Porro *ἀπαρτίσθαι αἰὲν αὖγῆς*, rapti a luce, recte poni pro *e vivorum numero expungi*, ii facile norint, qui Graecorum locutiones compertas habent: *ὅπῃ παῖς αἰλίου, videre lumen Solis*, hoc est, vivere; contra vero *λατὴν ποῖς αἰλίου, linguere lumen Solis*, hoc est, mori, apud Homerum & Hesiodum: imo absolute *ταῖς αἰὲν αὖγῆς*, in Axiocho, *privare luce*, h.e. *vita*. Jam si pro *ποῖς* subtilitas *αὖγῆς* ejusdem notiois (*αὖγῆς* enim Hefychio est *ποῖς*) *ταῖς αὖγῆς* erit *privare luce i. vita*: quod cum adversarii criminatibus patere non possit; miror sane eum tantopere ad *αἰὲν αὖγῆς* *αἰὲν αὖγῆς*, *rapere a vita*, tamquam ad Maleae promontorium expalluisse. Cum ergo paribus exemplis sustinerer, cur *αἰὲν αὖγῆς* *αἰὲν αὖγῆς*, non interpretarer *sustulit a luce*? *ἤτερος αἰὲν αὖγῆς*, inquam, vel junctim *αἰαὖγῆς*. Nam utroque modo legi posse jam olim monueram. Attamen, per me licet, fructe, Vir doctiss. illa tua *Auge*, quam volem a te perperam sexies septiesve scriptam cum accentu in ultima: quae vox, si nomen proprium esset, penacuenda fuerat. Hic equidem inlclamarem, *capula*; si tantum arrogantiae mihi tribuerem, quantum convici-

cia-

ciandi, temere tibi (suadenti pag. 13. lin. 42. pueris, ut mihi *ciconiam prae-  
rent*) licere autumasti. Fructu, inquam, tua *Auyy*, per me non stat: illud va-  
ro concoquere non possum, quod pag. 8. lin. 12. dictatorio supercilio negas, for-  
mulam illam, *rapers ab auro*, neque Graece neque Latine usquam reperiri.  
Nam ut Graecas lauticias tibi uni Graece peritissimo reservem; quid fiet Latina  
illa inscriptio Neapolit. in qua ea formula legitur? Graterus, inquit, inter  
supposita epigrammata pag. XVII. 1. illam recensuit; eaque idcirco abuti quem-  
quam, veto. At si Gruterus adulterinam credidit, eam Reinesio, Grutero re-  
centiore, & criticorum morosissimo, genuinam Cl. XVIII. 51. nobis probante,  
eum eandem, ut Antiquitatis cimelium, non amolexabimur? Verum cum meo  
adversario liberalissime agere volo: sit illa inscriptio adulterina, sit spuria  
triumphet Martorellius; quid tam postea? an continuo *eo rapere ab auris* erit  
absonum Latinis auribus? Quid, quaeso, Vir eruditiss. in ea locutione incon-  
ditum, inconcinnum, quidve regulis grammaticorum abnorme inueneris, edisseras  
velim; ut & nos tuis criticae regulis informati, idem aliquando conari possimus?  
nisi quod vellem, ut prius Gruterum DCLVI. 2. consuleres: *RAPTVS ego SVPERIS*,  
*patribusque ablatu inique* &c. num hic dubitare poteris, quin *eo superis*, sit *su-  
peris auris*, dicente Virgilio: *Sed revocare gradum, SVPERASQ. evadere AD  
AVRAS* &c? Mato videtur imitatus Homerum Odyl. λ. v. 616. *in ATTAS* *innoxius*.

A pag. 9. incipit *exdissuandus* alterum, in quo quid valeant binae illae  
voces *parva* *spœna*, mira felicitate differitur. Nempe eo spectant omnia, quae  
hic Noster pluribus persequitur, ut nos ipse, nos, inquam, minutos discipulos  
doceat, *parvum* *spœna* esse *humanae animas*. Euge tu vero, Martorelli, quis tibi  
posthac superbissimam *Magistri* nomenclationem eriperit? At nos tibi irascimur,  
quod sero nimis hanc significationem, haecaus incompetam, aperueris: an quod  
sic erat in fatiis, te, nonnisi cum esses sexagenario major, has doctrinae divitias toe-  
neraturus esse seris nepotibus? utur tamen est, tuorum in nos beneficiorum vel serâ  
commendatione recreamur beaurque. Ergo doces, *eo spœna* non esse *mortalis*, sed  
*humana*: hanc autem notionem te conatu, ut opinor, Herculeo expiscatum esse ais-  
tum ab *ANTIQUORUM* *lexicis*, uti *FAVORINI*, *Hesychii*; tum *nuperorum*, ut  
ab illo *Tusani* &c. pag. 12. lin. 52. Verum, lector, ne mireris, doctissimum Vi-  
rum turpiter ignorasse, *Varinum Favorinum* ad antiquos, & calcos lexicographos  
minime pertinere, multoque minus illum Hesychio, plus minus mille annos vetu-  
stiori, fuisse praepoendum: *Favorinus* enim, ut vel pueri sciunt, sub Leone X. Pont.  
Max. floruit, & vivere desit adulto Saeculo XVI. eodemque medio h. e. anno 1552.  
*Jacobi Tusani* Lexicum Graeco-Latinum prodit Parisiis: haec, inquam, ne mireris,  
ignorasse meum adversarium; nam eum a *Lexicis* (quorum lectionem mihi expro-  
brat) divorium fecisse; facile conjiciet, qui ejus opuscula, lexicis locupletandis, si  
Superis placet, nata attente legerit. Quanto pretio mercaret, ut Professor linguae  
Graecae accuratius existimationi suae consulere! Verum haec obiter. Ergo *par-  
vum* *spœna*, dissentante Martorellio, sunt *animae humanae*. Atqui nostri homines  
ajunt, abstinere se potuisse Virum ornatissimum hac tam spissa commentatione;  
haec enim omnia cum vulgaria esse, tum falsa putant. Nam quous quique est,  
qui quae *humana* sunt, ea *mortalia* non appellet? An putem censorem meum  
ignorasse illud Virgilio: *Quid non MORTALIA pectora cogis Auri sacra fames?*  
num hic *MORTALIA* pectora, non sunt *humana* seu *hominum* pectora? At, inquit,  
si *spœna* esset *mortalis*, perperam Homerus Odyl. H. v. 210. una *spœna* *hœrois*  
copulasset. Fallitur. Hic enim *ισχύρις* est, figura fatiis obvia, cum una vox al-

alterius est enarratio: sic & Horatius in Art. *MORTALIA facta PERIBUNT*. Sed & quas nugas non dedit Nolter, cum pag. 13. v. 1. Homericum Iliad. e. v. 361. *ἄσπετος ἄνθρωπος* explicat, *Dux ex hominibus*? Eo loco de Venere Martem alloquente sermo est, quas, ut crimen injuriae sibi illatae asperaret, narrat, quod Diomedes *ἄσπετος ἄνθρωπος* h. e. homo Deam, mortalis immortalem sauciare non dubitaverit. Atque is sensus est, ea prorsus mens Poetae, quam linguae Graecae professorem non vidisse, quis mecum non mirabitur? At is, si de notione τοῦ ἄσπετου certior fieri vellet, in ejus compositum ἄσπετος seu ἀσπύρτος (epitheton Deorum) intendere oculos poterat. Et sane ludibrium deberet Cl. Martorellius, si *ὁὖς ἀσπύρτος*, Deum non humanum, quam immortalem mallet vertere. Itaque cum apud Homerum Iliad. χ. v. 9. *θεὸς mortalis*, opponitur *ἀσπύρτος immortalis*, cur nos *ἄσπετος* non interpretabimur mortalem? Hinc liquet, qualem lepidum festivumque sit etymon τοῦ ἄσπετου ex Hebraea lingua petiit, quo quidem si supersederet, suae Orientalium linguarum peritiae satius consuluisse. Sed & toto hoc *ἄσπιδι* impune carere poteramus; praesertim cum omnes me tribus verbis eadem tanto ante dixisse contendat. Et sane cum in *Vindiciis* pag. 7. lin. 4. ante finem, memet explicans, scripsissem, *ἀσπίς* ἄσπετος, esse mortales omnes *HOMINVM VITAS*, nequeo satis decernere, quid novi procuderit Cl. Martorellius Apolog. II. eadem Graeca vertens pag. 16. lin. 18. *quorumvis HOMINVM VITA*. An hoc non est actum agere, & alienas merces pro propriis extrudere? Laudo mangonis artificium.

Sequitur pag. 13. tertium *ἄσπιδι*, De vera notione *PRAECLARISSIMAE* voculae. Mira hoc loco, ut omnia more suo, praedicat Martorellius; & cum D' Orvillii sui voluminibus suffarcinatus, consensio veluti suggestu, imperatoque dextera silentio, edicit, voculam *αἰ* saepe notare *Cognitus*, *Famosus* &c. Mox, ut sua commentatio altius in adolescentum animos descendat, nonnulla ejus rei exempla, *at NON a nuperis Lexicis* (inquit pag. 14. lin. 22.) petita, producit. Sed resistamus hic parumper: quaero a te, Martorelli optime, an H. Stephanum, qui anno 1572. Thesaurum Graecae Linguae typis mandavit, nuperis lexicographis accenseas? Nullus quidem dubito, quin hunc *nuperrimum* credas; cum Tufanum tuum (a quo *multum opis tibi esse* ingenue fatebaris pag. 12. quique anno 1552. ut modo diximus, lexicon G. L. edidit) *nuperum* appellaveris. Igitur, vir humanissimus, qua fronte, quove ore, Te a *nuperis* lexicis profecisse negas, si exemplorum pleraque a te, tamquam e tuo penu hic producta, eisdem plane verbis decurrunt apud Stephanum? an non id mihi palmarium erit argumentum, te saltem alicujus recentioris scriptoris serinia compilasse, qui pridem Stephani Thesaurum vacuefecerat? Consule H. Stephanum in voce *αἰ*. Tom. III. col. 1547. Quis porro ille sit, cujus lectioni mancipatus immoriaris, equidem nescio; nec scire fas est omnia: tamen si quid conjectandum est, a Philippo D' Orvillio, vel ab Ezechiele Spanhemio Comment. in Callimachum ea mutuatus es, quos solos habes Auctores, solos buccis hiantibus crepas, solos rusticitatum ducis comites. Et tamen andes tertio quoque versu me, ut lexicorum lectioni addictissimum, ut *nugivendum* traducere. Apagesis, & morboniam, si libet, concede.

At tua illiberalia in me convicia ubi primum in vulgus manarunt: mirari se universi distabant, qui fieri unquam potuerit, ut Vir modestissimus, rarissimique exempli, & quod caput est, non impetitus, tantam in me contumeliarum fruem conjecerit. Alii praconcepto odio tribuebant, quod diu multumque collectum, ubi vel frivolum anam arripuerit, tragoedias excitare non dubitat. Alii

prae-

præjudicatae de se opinionis vitio dabant; solent enim, qui dictaturam in re publica litteraria nactus esse sibi temere persuadent, mirum quantum in eum excedere, qui suam sententiam secus, ac ipsi, olim explicuerit. Alii vix & aegre obtendebant alia: sed idoneam causam se nancisci non posse, aiebant. Ego vero, quippe unus e multis, sic Municipum meorum rationibus non acquiescebam, ut tamen illos omnino falsos, dicere non auderem. Sed certe mitius cum meo Adversario agendum esse, semper duxi. Itaque quod ceteri diuturno odio, & dictaturae temere usurpatae vertebant: id ego frigidulum Amanitum, & nescio quam praerogativam ambitam mollissime interpretabar.

Verum nunc memet ipse recipio, atque haec conviciorum plaustra, quae alii pectore illiberali effusa suspicari possent, ego, qui hominis ingenium penitus exploratum habeo, aliorum, quam in bonam partem, accipi veto. Quo tandem modo, roges? bilinguis est Noster; solet interdum cum amicis verba commutans, ea uti lingua, cujus sensus intimos frustra exquisieris, nisi prius arcana ejus dialecti comperta tibi sint. Ergo ut abstrusa pandam pariter, ac Nostrum rusticitatis absolva: is saepe lustral, quos laudare: saepe contumeliis impetit, quos humanitate & comitate prosequi: saepe demum sale plurimo perficit, quos blanditiis sibi demereri habet in animo. Quae quum ita sint, cur, quae pocula in speciem amari succi mihi Vir ornatissimus propinat, non libentissime absorbeam? Perge porro Vir Cl., & tuis me convitiis, hoc est, ut ego interpretor, exquisitissimis praeconiis perstringe: quae quanto acriora tibi exciderint, tanto ampliore commendationem mihi conciliatum iri, crediderim. Interim tuae humanitati, tuis in me praeclaris officiis ingentes ago gratias; & ego quoque, si quae vellem, etiam possem, par pari referrem, & per artificiosam contumeliarum positionem, elaboratissimum encomium tibi concinnarem; nisi me terret exemplum Aselli Aescopici, ungulis hero suo adblandientis. Sed quid obrectationibus in molliorem sensum accipiendis opus est? nam per veras laudes gratum animum erga te meum probare non possum? sic certe faciam.

Sed antequam laudes tuas percurrendas aggrediar, una atque altera accusatio tua, quas in bonam partem accipere non possum, videntur repellendae. Pagina prima linea 24. me accusas, quod vindicias ediderim *post tringinta soles*: eadem pagina linea 52. me prodixisse criminariis *post longissimum mensis spatium*. Sed, o bone, intercalatum ne est eo mense, quamobrem *longissimum* appelles? ego enim non memini. Sed utinam Amice suavissime, ab isto ulcere tractando manus abstinisses! an me latere etiam putas, per te stetisse, quo minus in publicum citius prodirem? nonne pridie quam Sarrentum concederes, apud illum Virum sanctitate, doctrina, morumque suavitatem commendatissimum, cujus auctoritas apud utrumque nostrum valere plurimum debet, ita vehementer te iactasti, usque adeo precibus eum obtundere non destitisti, ut is quem calumniam jam acuendo ornaram, suavissimo imperio suo ex manibus meis excuteret, & me rogatu tuo a scribendo prohiberet? cui quidem Viro gravissimo tamdiu morem gessi, donec Amicorum pluribus efflagitationibus fatigatus, aegre tandem ab Eodem impetravi, ut Vindicias meas, uni Pseudo-Martorellio ingratas, nomini vero tuo perhonorificas, in vulgus ederem. Culpa tuae conscius, quo ore, mi homo, tarditatem meam accusas? Hinc mihi facultas praebetur confutandi alteram calumniam, qua Pag. 2. lin. 26. me *Graculum* alienis plumis ornatum appellas; quibus si tibi libeat me spoliare, nudatus jam mutatis coloribus risum moveam necesse est. At, si quid video, me, quem probe nosti, *Graculum* pennis Pavonis indutum, hoc est, armis

armis Majoris alicujus instructum non ea de causa criminari, quod revera putes, me tecum pugnatum, alienis praestantioribusque lacertis egere; sed quod te vehementer pudeat, ab juvene poplites tibi succidi: idcirco non mecum sed cum Majora, nescio quo, tibi rem esse, maliciosus dictitas & vulgas. Videtne, quam pulchre animi tui sententiam teneo? Sed nolo diutius contentiosum funem ducere. Mitiora consilia jam ineunda sunt mihi, pacis amantissimo; quovisque pretio tua benevolentia captanda. Id nunc dabo operam, ut laudibus ex vero quaesitis te, quoad ejus facere potero, cumulem, & quae in *Vindiciis* olim peritui, nunc sigillatim retexam. Qua opera functus spero, ut haec *palinodia* tantum decoris & ornamenti sit tibi Viro doctissimo additura, quantum illae *Vindiciae* detraxerant.

Ergo Vir ornatissime, nec satis unquam mihi laudate, aequi bonique consulas, quod mihi nihil tale opinanti exciderit. Quid enim illi facias, qui quum in *via* *diurna* jaculum intorquere credat, te imprudens collineet? Ceterum tot, tantaeque sunt tua in republica litteraria ornamenta, ut fulgor tuus, nusquam non scintillans, nullo objecto pulvere obfucari queat. Nam, ut inde incipiam; in rebus grammaticis quanta tua sit solertia & sedulitas, vel pueri norunt. Praeterea stilus scribendi tuus adeo magnificus est & sublimis, ut prope dixerim, tubam sonare videatur: adeo feliciter elaboratus, ut si ad obrusam exigas, cum Ciceroniano contendere merito putes: adeo amoenus, adeo denique multiplex & varius, ut lector tanquam Hymettia, vel Hyblaea mella liguriendo satiari nunquam possit. Ad verborum vero delectum quod attinet, quamquam multi invidi illi quidem & maledici distitent, te de industria sectari obsoleta, incondita, obscura, rancida, pessimeque confuta; unde obscuritatem tantam proficisci ajunt, ut te prorsus non intelligant: Ego tamen non sum candidus, si tua illa omnia flores Latinitatis venustissimos appellare recusem. Sed quid facias? non fin' Horatianum illud, *Invidiam non nisi Supremo fove domari*? Infecitum impiumque seculum stomachati, Martorelli optime, quid moramur emori?

Tuam porro Graecanicam peritiam, quis tam bardus est, ut, visis dumtaxat tuis libellis, non statim percutiescat? Et sane ita Graeca cum Latinis plena manu interferuntur, ut & varietate pascant oculos, & musivi operis elegantissimi speciem prae se ferant. Quinimo si utriusque sermonis vocabula seorsum metiri quis velit, pluribus certe modis Graeca Latinis antillare miretur. Id autem inde est, quod tua praecordia, Graeco multo effervescentia, ultro desumpunt Graecanica; eoque sermone id regeant libenter, quod ceteri trivialiter litterati vocabulis latinis vix exprimerent.

Sed & tuam in rebus Orientalibus disciplinam imprudens praeterieram. Tanta autem tua est in Hebraea lingua cum cognatis dialectis peritia, ut si novis vocabulis uti fas esset, ecqua mihi foret invidia, si tu *Rabbino Rabbini* a me salutareris? Ad haec tuam lapidariam facultatem quis satis pro dignitate praedicaverit? Stilus certe tuus eam praefert indolem, quae lapidum ingenio apprimere conveniat. Porro sermonis obscuritas, quam in tuis inscriptionibus plerique taxant atque fallidunt, tamen partim inde est, quod frequenter oratio diversis e membris contexta sit; tamen illud etiam officit orationis perspicuitati, quod in argumento per se subtilitatis involuto, Taciti etiam affectus breviloquentiam, nonnunquam & sententiarum pondus, ac gravitatem.

Illud me angit vehementer, quod nonnulli invidi homines id tibi in pandendis inscriptionibus objectant, quod Dorsenno in Comoediis scribendis exprobrat

Ho-

Horatius II. Epist. 1. quorum tu inconditos lattratus, ut obeurata aure pertranseas, auctor & fundus tibi sum, ne quid Respublica ex tuo silentio, nobis ingrato, detrimenti capiat. His, ne quid de tuis vigiliis impune depereat, addiderim censuras librorum, & Epistolae dedicatorias, in quibus non modo nos, sed etiam posterum habebunt, quo se mirifice oblectare possint. Quas quidem tuas breves, sed reperto difficiles lucubraciones in unum fasciculum colligere, & notulis illustrare jamdudum mihi gessit animus, & si fortuna javerit, brevi spero me fidem liberaturum. Interim adverte, vir ornatissime, quantum tibi tribuam, quanti te faciam: tu mihi *VLGERA LATINITATIS MEAE* secturum (critica an fœnaria falce?) minitaris pag. 2. lin. 11. Ego vero tuas latini sermonis delicias unde unde convertere, & in unum comportare meditor.

At officio meo sanctus non sim, nisi pauca de tua nummaria facultate charitis illeverim. Enimvero veterum numismata, quorum ingentem copiam in loculis tuis congestam ajunt, ita in numerato habes atque discernis, ut statim, cujus Principis imaginem referant, mira facilitate & dexteritate exponas. Et sane eam cum nummis hujusmodi consuetudinem jam inde a pueritia institutam habes, ut quid de unoquoque nummo sit sentiendum, solo prope dixerim olfactu explores; quodve praetium sit statuendum, perinde ac si Triumvir Monetalis esses, edicas.

Jam vero de tuo *Grandi Atramentario Negotio* quid primum eloquar, quidve postremum perorero? Hoc unum certissimum habeo, te, simul ac in vulgus manaverit magnum illud tuum universae eruditionis Hebraicae, Graecae, Latinaeque promptuarium, expectationem, quam tui apud omnes concivisti, praeclare tuiturum. Adeo solida, adeo explorata ibi sunt omnia, ut rem atramentariam tuam propriam feceris: usque adeo, ut si nostra hac aetate Veterum Glossae recudendae essent, inibi *Atramentarium*, & *Martorellius* e regione sibi mutuo, tanquam synonyma, responderent. Nec ullus dubito, quin Centuriae litterarum te in gerenda atramentaria provincia Consulem sine Collega sint renuntiaturae.

Atque haec est mehercule animi de te mei sententia, quam in publicum spargere eo libentius volui, quo testatum apud omnes relinquerem, me nihil estimationi tuae detractum voluisse, si in concertatione de interpretando vulgatissimo Graeco Epigrammate tibi nonnulla oppedere ausus fuerim; imprudens tamen, nec facturus, si in tempore quis amicis mihi in aurem insurrasset, te fuisse prioris interpretamenti, & Apologumenon auctorem. Interim rem non injucundam me tibi facturum ratus sum, si quae tibi contraria tum nec opinans edidi, nunc opportune, libentique animo recantatam ivero.

Ac primum omnium ajo, me toto Coelo aberrasse, qui in Vindicis pagina 2. lexicis veluti manu ductus, asserueram *ἀντίκλειστος* esse compositum ex *α* privativo, & verbo *κλειω*; nunc autem, te mihi facem praeferente, doctior factus non dubito, quin sit ex particula *ἀντί*, & . . . tuum est, ut mihi suggeras, doctissime Martorelli, alteram compositi partem, quam ne diutius Reipublicae litterariae invidetas, oro, obtestorque. Praeterea subnotaveram pag. 4. nomina propria interdum articulis insigniri, & elisiones pati non secus, ac appellativa vocabula; idque pluribus exemplis, a praestantissimis Poetis mutatis, suadere conatus fueram: id totum nunc, quando sic jubes, mutò & retracto libentissime. Quid ni? nam siquando vocabula sic affecta usquam reperiuntur, vel non sunt propria nomina, vel in mendo ebant; quae jamdudum manus medicas clarissimi Martorelli expectant.

Pagina 2. 3. in asserendo *Aristonis* nomine sedulo dabam operam: at cui bono? Quamvis enim ceteri, quod noverim, mortalium pro *Arillone* dimicent, ique jam, margaritarum ritu, quas a ferocientium fluctuum attritu firmitatem, & candorem sibi contrahere ajunt, ex offusa a te caligine splendidior emerferit; tamen, quia tua, vir ornatissime, plus apud me, quam ceterorum valer auctoritas; *Arillone*m insuper habeo, atque ad corvos amando: tuum contra elegantissimum *παίδισκον Μεσσην* (quis crederet?) amplector, & tuor: eumque *Pauliae* honestissimae Matronae gnatum profiteor. *Paulae* dumtaxat? minime gentium. Sed & *Auges*, seu *Luciae*; nam, si *Auge* latino Vocabulo exprimenda foret, nullum ei aptius, quam *Luciae* vocabulum e regione responderet.

Verum, ne rursus inter nos concertationes olim recrudescent, si quando *Paulae*, & *Luciae* pertaesus, posthac vel *Apolloniam*, vel *Salviam*, & *Victoriam*, vel quamvis aliam bene ominatam, secundum, opinor, *Anaxagorae* homoeomeriam, ex illis quinque marmoris elementis confingere malueris; jam nunc in incertum tuarum opinionum exitum auctor fio. Fac periculum: me, ut sequacem eoram, vel udam argillam experieris.

Quod vero addidi de originatione *ἰσχυρίας*, quam ex *ἄρρα* peti pag. 6. contendebam, illud vehementer doleo, & deinceps: te enim eam vocem ab *τῆς ἄρρας* arcescente, possum ne in tanta tuae eruditionis luce caecutire? quod vero ad *αἰῶνα βίβρα*, & ultimi distichi sensum pertinet, cum tu in meam sententiam pedibus iveris, nihil est, quod recantem.

Sed jam exultationi tuae satis me fecisse arbitror. Hoc unum restat, quod mea me aegritudine plane levare possit, ut & mihi tuum reddas animum, & frigusculum illud non tam mihi condones, quam bonis omnibus ejus gratiam facias. Quod si ab humanitate tua impetravero; non dubito, quin tuae *Paulae*, sive *Luciae*, honestissimae Matronae, atque elegantissimorum filiorum genitrici me non vulgari commendatione tradas: quam si statim non quiveris exorare; utere, fodes, sequestro tuo *Messio* puello elegantiae pleno, cui pro me peroranti aures illa faciles, sat scio, commodabit.

Haec jam formis typographicis erant expressa, prelum mox subitura; quum commodum incidi in Reinesii Cl. XII. 104. ubi: *φωτὶς ἀφαιρῶντις βίβρα* est *insans luci rapptus*. I nunc Cl. Martorelli, & *τῶ, rapere luci*, Graecam locutionem esse, pemega. Sed & eo magis ludibrium debes, quod *τῶ, ἀρτῶ* cum casu patrio sine praepositione nusquam reperi, sapenumero inculcasti. Vide Gorium ex *Guarnacciano* Museo in *Donian. Inscript. Cl. X. 45. ζωῆς βίβρα* ἡρπασε *Δαίμων*, vitae rapuit insantem *Dens*: *Fabrettum* cap. X. n. 449. *Memophilum αἰνότητων γορίου ῥόδου* ἡρπασεν, rapuit miseris parentibus invidia. Quocirca serio is monendus est in calce hujus *Palmodiae*, h. e. in loco omnium spectatissimo, ut cogitationes suas subito calore mentis effusas tamdiu vulgare distrahat, donec non aegri farnia se venditare certior fiat. Auctarii loco addam hic distichum Graeci Epigrammatis ex *Gorio* loc. cit. a quo mihi temperare non potui, eo quod cum ultimo disticho nostri marmoris, quod doctissimi Martorellii ingenium torserat, apprimere faciat.

*Ἀπληρὼτ' Αἶδ'α, τὶ μὴ νῆαν ἡρπασαί, ἔκροον;*

*Τὶ σπῆδ'α; οὐ σοὶ πάντες ἀνελίμεθα;*

Quod interprete *Hagenbuchio* sic latine sonat:

*Cur auferis me stulte? & inexhaustibilis Orce?*

*Non tibi (ne propterea) debitus omnis homo est?*

Dabam Neap. VI. Kal. Sept. MDCCLIX.

VAl  
2544346